



EBAZPENA, 2018ko ekainaren 15ekoa, Ikastetxe eta Plangintza zuzendariarena. Honen bidez, Euskal Autonomia Erkidegoko Hizkuntza Eskola Ofizialetako aurrez aurreko eta erdiprezentzialesko hizkuntza-ikastaro ofizialetan ikasleak 2018-2019 ikasturterako onartu eta matrikulatzeko prozedura deitzen da.

1041/2017 Errege Dekretuak, abenduaren 22koak, Egiatzenaren ondoretarako oinarrizko mailaren gutxieneko eskakizunak finkatzen eta Hezkuntzaren maiatzaren 3ko 2/2006 Lege Organikoak arautzen duen araubide bereziko hizkuntza ikasketen B1 tartekoa, B2 tartekoa, C1 aurreratua eta C2 aurreratua mailen oinarrizko curriculuma eta zenbait ikasketa planetan araututako araubide bereziko hizkuntza-ikasketen eta errege-dekretu honetako arteko baliokidetzak ezartzen ditu.

Otsailaren 24ko 46/2009 Dekretuak Euskal Autonomia Erkidegoan araubide bereziko hizkuntza-ikasketak ezartzen ditu, eta honako maila hauen arabera curriculuma biltzen du: oinarrizkoa, tartekoa, aurreratua eta gaitasuna.

Goian aipatutako Errege Dekretuak Otsailaren 24ko 46/2009 Dekretuak ezartzen dituen mailen izenak aldatu egiten ditu, eta orain arte Oinarrizko maila A2, tartekoa B1, aurreratua B2 eta gaitasuna C1 deitutakoak Errege Dekretu berriaren arabera A1 oinarrizkoa, A2 oinarrizkoa, B1 tartekoa, B2 tartekoa, C1 aurreratua izendatuko dira. Eta horiek EEM-ren A, B eta C maileri dagozkie, hurrenez hurren.

Hezkuntza, Hizkuntza Politika eta Kulturako sailburuaren 2013ko uztailaren 3ko Aginduaren bidez, Euskal Autonomia Erkidegoko Hizkuntza Eskola Ofizialetan ikasleak onartu eta matrikulatzeko modua arautzen da.

Agindu horren 3. artikulua ezartzen duenez, urtero-urtero deialdi bat egingo da ikasleak onartu eta matrikulatzeko prozesua aurrera eramateko, eta horretarako, Ikastetxeen zuzendariak ebazpena eman, eta Hezkuntza Saileko web orrian argitaratuko da. Artikulu horretan jaso denez, Ebazpen honetan arautuko dira eskaerak aurkezteko era eta lekua, eskaerekin batera aurkeztu beharreko dokumentazioa eta prozeduraren fase bakoitzeko epeak.

Ondorioz , hau

EBATZI DUT:

1. artikulua.- Xedea eta aplikatu beharreko araubidea.

1.- Ikasleak onartu eta matrikulatzeko prozedura deitzen da, 2018-2019 ikasturtean hizkuntza-ikastaroak aurrez aurre eta erdiprezentzialeskoak ofizialki ikasteko Euskal Autonomia



Erkidegoko Hizkuntza Eskola Ofizialetako irakaskuntzek dituzten honako maila hauetan: Oinarrizko maila (A1 eta A2), Tarteko maila (B1 eta B2) eta maila Aurreratuan (C1). Prozedura hori garatzeko ebazpen honetako I. Eranskinean finkatzen den egutegiari erreparatuko zaio.

2.- Erkidego honetan eskainiko diren mailak, Oinarrizko Aletik Aurreratua Clera artekoak, sei ikasturtetan antolatuko dira:

Oinarrizko maila, bi ikasturte:

- A1, ez dauka ziurtagiri ofizialik eta
- A2, ziurtagiri ofiziala dauka

Tarteko maila B1, bi ikasturte:

- B1.1, ez da ziurtagiri ofizialik eta
- B1.2, ziurtagiria ofiziala dauka

Tarteko maila B2, ikasturte bat. Ziurtagiria dauka.

Maila Aurreratua C1, ikasturte bat. Ziurtagiria dauka.

3.- Deialdi hau arautzen dute, batetik, Hezkuntza, Hizkuntza Politika eta Kulturako sailburuak 2013ko uztailaren 3an emandako Aginduak (Agindu horren bidez, Euskal Autonomia Erkidegoko Hizkuntza Eskola Ofizialetan ikasleak onartu eta matrikulatzeko modua arautzen da, eta EHAA n argitaratu zen 2013-07-22an) eta bestetik, otsailaren 24ko 46/2009 Dekretuak; Dekretu horren bidez, araubide bereziko hizkuntza-ikasketen maila-oinarrizkoa, tartekoa, aurreratua- eta gaitasun maila-curriculumak ezartzen da eta ikasketa horiek Euskal Autonomia Erkidegoan jartzen dira (EHAA, 2009-3-12). Maila hauek Errege Dekretu berriaren arabera honako hauek izango lirateke: Oinarrizko mailak (A1 eta A2), Tarteko mailak (B1.1, B1.2 eta B2) eta maila Aurreratua (C1).

2. artikulua.- Baldintzak, prozedura eta baremoa.

1.- Hizkuntza-eskola ofizialetan matrikula egiteko ezinbestekoa izango da matrikula egiten den urtean hamasei urte beteta izatea. Salbuespen gisa, matrikula egin ahal izango dute, baita ere, Derrigorrezko Bigarren Hezkuntzan lehen hizkuntza gisa ikasitako hizkuntza ez den beste bat erregimen ofizialean ikasi nahi duten ikasleak, ikasketak hasten diren urtean hamalau urte beteta badituzte.

2.- Ikasleek ezin izango dute gaztelania ikasteko matrikula egin haien herrialdeetako hizkuntza ofiziala gaztelania bada.

3.- Aurreko deialdiren batean maila jakin batean matrikulatuta egon diren pertsonak ezin izango dute maila baxuago batean matrikula egin, ez eta gaundituta duten maila batean edo baxuagoan ere. Horretarako, kontuan hartuko dira baita ere aurreko ikasketa-planetan gaunditutako mailak, matrikula egiteko unean daudenen baliokideak direnak legez.

4.- Ikasturte berean eta hizkuntza bererako, ikasleek ezin izango dute aldi berean erregimen ofizialean eta librean matrikula egin.



5.- Pertsona bakoitzak gehienez hiru eskaera bete ahal izango ditu; hauek salbu: 2017-2018ko ikasturtean hiru hizkuntza baino gehiago ikasi dituzten ikasle ofizialek horietan eskaera egin ahal izango dute, baldin eta ofizialtasuna galdu ez badute.

6.- Aurrez-aurreko prestakuntza-eskaintza goizez edo arratsaldez izan ahalko da. Arratsaldeko ordutegia 14:00etatik aurrera hasiko da. Ikastetxe bakoitzak publikoa egingo du bere eskaintza matrikula epea zabaldu aurretik. Taldeak osatu ahal izateko, gutxienez 10 ikasle beharko dute izan matrikulatuta. Gutxieneko hori ez badago talderen batean ikastetxeak eskaintza alda dezake.

7.- Eskaintza erdiprezentziala bi fase nagusitan garatuko da: alde batetik urrutiko (on-line) fasea edo ikasleak klasetik kanpo egin beharreko lana izango du, eta bestetik aurrez aurreko fasea edo ikasgelan irakaslearekin eta beste ikaskideekin elkarlanean egin beharrekoa.

8.- 2013ko uztailaren 3ko Aginduaren arabera, prozedura egingo da, lehenetsunak aplikatu, eskabideak barematu beharko diren egoerak zehaztu eta baremoa aplikatuko da, aplikatu behar denean. Eskabidean alegatutako eta eskabideak aurkezteko epea bukatzen den egunera arte egindako meritua baino ez dira barematuko.

3. artikulua.- Tokiak esleitzeko lehenengo fasea. Aurkeztu beharreko eskaerak eta dokumentazioa.

1.- Esleipenaren lehenengo fasean, eskabidea aurkeztu beharko dute 2018-2019 ikasturtean Hizkuntza Eskoletan onartuak izan eta matrikula egin nahi duten guztiek, salbu maila berean matrikulatuta egon daitezkeen ikasturte guztiak agortuta dituztenak.

2.- Pertsona batek bi hizkuntzatan edo gehiagotan matrikulatu nahi badu, eskabide bat aurkeztu beharko du hizkuntza bakoitzean.

3.- 2018ko irailaren 1etik 19a arte, biak barne, 13:00ak arte, aurkeztu ahal izango dira eskabideak. 2017-2018 ikasturtean matrikulatuta egon eta ekaineko deialdia gainditu ez duten ikasleek 2018ko irailaren 15etik 19a, biak barne, 13:00ak arte, bakarrik aurkeztu ahal izango dute eskaera, behin iraileko deialdiaren emaitzak jakin ondoren.

4.- Eskabideak formatu elektronikoan (on-line) aurkeztu beharko dira, Interneten bidez; horretarako, Hezkuntza Saileko web orrian azaltzen den inprimakia: <http://www.euskadi.eus/heo>

5.- Eskatzaileek eskabide bakar bat eta eskola bakar batean egin ahal izango dute hizkuntza bakoitzeko. Ez dira onartuko hizkuntza bererako hainbat eskolatan eta/edo mailatan



aurkeztutako eskabideak. Eskolako hezkuntza-eskaintzan bi kurtso jarraitu ematen dituen talderik badago, bi kurtsoetako matrikula egin ahal izango dute talde horietan matrikulatzen diren pertsonak.

Pertsona batek hizkuntza berean eskola batean baino gehiagotan egiten baditu eskariak, horiek guztiak ukatuko dira.

6.- Hizkuntza Eskolak egiaztatuko ditu nortasuna, datuak, baldintzak betetzen diren ala ez, eta barematu beharreko egoerak, betiere Administrazio Elektronikoa buruzko 21/2012 Dekretuko bigarren xedapen gehigarrian jasotzen den Datuak Egiaztatze Zerbitzuaren bidez, salbu hurrengo atalean adierazitako egoeretan; kasu horretan, eskatzaileak berak egiaztatu beharko ditu agiri bidez.

7.- Dokumentazioa aurkeztu. Ondoren azaltzen den egoeratan, a), b), c), d), e), f) eta g) ataletan, eskabidea egin ostean, eta kontuan izanik horretarako azken eguna 2018ko irailaren 19ko 14:00ak arte dela, eskatzaileak eskabidea egin duen Hizkuntza Eskola Ofizial berean on-line egindako eskaeraren frogagiriaren kopia aurkeztu beharko du; horrez gain, agiri hauek ere aurkeztu beharko ditu:

a) Atzerritarraren Identifikazio-zenbakia ez, beste zenbaki baten bidez identifikatu duten atzerritarrek: agiri hori aurkeztu beharko dute; bestela, ez da eskabidea onartuko, eskatzailearen nortasuna ez egiaztatzearen.

b) Desgaitasunen bat alegatzen dutenek edo, adin txikikoa izanik, aitaren, amaren, legezko tutorearen edo anaia edo arrebaren baten desgaitasuna alegatzen dutenek: 2013ko uztailaren 3ko Aginduaren 17. artikuluan eskatzen diren egiaztagiria aurkeztu beharko dituzte.

c) Familia Ugaria direnek, Euskal Autonomia Erkidegoak igorri ez, baina beste Autonomia Erkidego batek igorritako titulu ofiziala aurkeztuko dute. Dokumentu hori eskatutako Hizkuntza Eskola Ofizialean aurkeztu behar izango da Ebazpen honetan zehazten den epean.

Dokumentazioa aurkeztu beharko dute Hizkuntza Eskolan, baita ere, nahiz eta Erkidegokoak izan eta titulua dutela agertu, aplikazioak agertzen badu dokumentazioa aurkeztu beharra dagoela.

d) Lanbide-egoerari buruzko baremo-atala aplikatzeko eskatzaileak aurreko ikasturtean eman baditu klaseak itundu ez den ikastetxe pribatu batean edo autonomia-erkidego honetako unibertsitate publiko edo pribatu batean, dagokion ikastetxeak emandako ziurtagiria aurkeztu beharko da.

e) Azaroaren 9ko 290/2010 Dekretuaren 25. artikuluen arabera terrorismoren biktima diren eskatzaileek dagokien Biktimen eta Giza Eskubideen Zuzendaritzak edo antzeko erakundek egindako egiaztagiria aurkeztu behar dute, 2018an eguneratua.



f)EAEko kanpoko Hizkuntza Eskola Ofizialetako ikasle ofizialek aurkeztu beharko dute haien eskolako ziurtagiria eta horretan adierazi behar da ofizialak direla dagokion hizkuntzan.

g)Hezkuntza-premia bereziak dituzten pertsonek eskoletarako edo/eta azterketarako laguntza eskaria egin badute eskabide orrian gaurkotutako mediku edo urritasun agiria aurkeztu beharko dute. Ez badute hori jakinarazten, ez zaie curriculum-laguntzarik edo ebaluazio-probak egiteko behar duten laguntzarik bermatuko.

Ebazpen honen bigarren xedapen gehigarrian adierazitako moduan aurkeztu beharko da 7. atalean aipatzen den dokumentazioa.

Eskabidean alegatutako eta eskabideak aurkezteko epea bukatzen den egunera arte egindako dokumentazioa baino ez da barematuko.

4. artikulua. - Onartutako eta baztertutako lagunen behin-behineko zerrendak.

1.- Ebazpen honetako I. Eranskinean finkatutako egutegia kontuan izanik, Hizkuntza Eskola Ofizial guztiek nork bere Eskolako iragarki-taulan eta web orrian argitaratuko dituzte onartutako eta baztertutako lagunen behin-behineko eta behin betiko zerrendak; eskatzaileak barematu behar direnean, lortutako puntuak adieraziko dira, eta inor baztertuz gero, zergatik geratu den kanpoan.

2.- Behin-behineko zerrenden kontrako erreklamazioak paper formatuan formalizatu beharko dira edo posta elektronikoen bidez bidali daiteke, erantsitako egutegian adierazitako epeetan. Horretarako, inprimakia Hizkuntza Eskola Ofizialean bertan lortu ahal izango da, edo matrikula egiteko erabili den web orri berean.

3.- Behin betiko zerrenden kontrako errekurtsuak hilabetean aurkeztu beharko zaizkio Hezkuntzako lurralde-delegatuari: Eskola zein lurraldekoa izan, lurralde horretako delegatuari.

5. artikulua.- Prezio publikoa ordaindu eta matrikula formalizatzea.

1.- Matrikula formalizatzeko, prezio publikoa ordaindu beharko du onartutako lagunak. Matrikularen zenbatekoa, berriz, Hezkuntza, Hizkuntza Politika eta Kulturako sailburuak Saileko zerbitzu publikoak finkatzeko ematen duen Aginduan zehazten da.

2.- Erantsitako egutegian adierazten den epean ordaindu beharko da matrikula, eta 2013ko uztailaren 3ko Aginduaren 7. artikuluko 2. atalean adierazitako moduan.



3.- 2013ko uztailaren 3ko Aginduaren 7. artikuluan xedatutakoaren arabera, prezio publikoa epean eta forman ordaindu ezean, ikasle modura onartzeko eskubidea galduko da, eta tokia hutsik geratuko da.

6. artikulua.- Lehenengo fasearen ondoren tokiak esleitzea.

1.- 2018ko urriaren 8an esleituko dira lehenengo fasean hutsik geratuko diren tokiak.

2.- 2013ko uztailaren 3ko Aginduaren 20. artikuluko 2. atalaren arabera, esleipen-aldi honetan lagun hauek parte hartuko dute, lehentasun-ordena honen arabera:

a)Lehenengo fasean parte hartu, eta baldintzak bete arren, tokirik gabe geratu direnak eta 2013ko uztailaren 3ko Aginduaren 6. artikuluko 4. atalean azaltzen den itzarote-zerrendako lagunak. Egoera horretan egongo diren pertsonak eskaeran aukeratutako ordutegia eta eskola aldatu ahal izango dute. Aldaketa horiek egiteko epea urriaren 4ko 13:00etan bukatuko da.

b)Maila berean matrikulatuta gehienez ere egin daitezkeen kurtso guztiak agortuta dauzkatenak, baldin eta ezohiko matrikula egiteko eskatu eta lortu badute; matrikula berezi hori egiteko aukera 2013ko uztailaren 3ko Aginduaren 13. artikuluko 3. ataleko b) idatz-zatiko azken paragrafoan azaltzen da.

c)Baldintzak bete arren, eskabidea epez kanpo aurkeztu dutenak.

3.- Bigarren fasean parte hartzeko, ez da beste eskabiderik egin behar, salbu aurreko b) idatz-zatian azaltzen den matrikula berezia egin behar denean; hori, berriz, Ebazpen honetako I. eranskinean agertzen den epean eskatu beharko da.

4.- Matrikula formalizatzeko, prezio publikoa ordaindu beharko da urriaren 8tik 11ko 24:00ak arte, eta 2013ko uztailaren 3ko Aginduaren 7. artikuluan adierazitako moduan.

Fase honetako ez ordaintzearren baztertutako lagun behin-behineko zerrendak urriaren 15ean publikatuko dira. Erreklamazio epea urriaren 15etik 17ra egongo da irekita, eta ez ordaintzearren baztertutako lagun behin betiko zerrendak urriaren 18an publikatuko dira. Urriaren 22an hutsik geratuko diren plazak publikatuko dira, aurrez aurreko esleipena izango da.

5.- Tokien aurrez aurreko esleipena urriaren 23tik 26ra izango da. Plaza libreen esleipenaren ordutegia eskola bakoitzak argitaratuko du bere web orrian. Itxaron zerrendan dauden ikasleek lehentasuna izango dute. Esleipena horren ordaintzeko epea urriaren 23tik 29ra, 15:00ak arte, izango da.



7. artikulua.- Onartze prozesuaren ondoren hutsik geratutako tokiak esleitzea.

1.- Aurrez aurreko esleipena egin ostean toki hutsik geratuz gero, Eskola bakoitzaren Zuzendaritzak esleitu ahal izango du, urriaren 30etik 2018ko urtarrilaren 31a arte, aurreko epeetan ezin izan dute eskaera egin Norvegiako, Islandiako, Liechtensteineko, Suitzako eta Europar Batasuneko herrialdeetako herritarra ez izan eta Atzerritarren Identifikazio Zenbakirik ez izateagatik. Horiek haien herrialdeak emandako beste nortasun-agiri ofizial baten bidez identifikatu ahal izango dira. Baita edozein pertsonak ere egin dezake interes badauka.

2.- Plaza lortu duten pertsonak dagokien prezio publikoa ordaindu behar izango dute .

8. artikulua.- Azterketako proben egutegia.

Ebazpen honen babesean dagoen ikasleentzako idatzizko azterketen proben egutegia finkatzen da, deialdi ohikoa eta ez ohikoarena. Egutegi hori Ebazpen honetako II. Eranskinean dago.

9. artikulua.- Probak egitean ikasleak kanporatzea.

Epaimahaiek ahalmena izango dute ikasle bati probak egiteko aukera kentzeko eta probak egiten ari diren esparrutik kanporatzeko, baldin eta ikasle horrek azterketak egiten ari dela iruzurrezko edozein ekintza egiten badu edota gainerako parte-hartzaileekiko jokaera desegokia edo gogaikarria baldin badu.

Lehengo xedapen gehigarria.- Eskabideak modu telematikoan aurkezten eta prezio publikoak ordaintzen laguntzea.

1.- Eskabidea modu telematikoan (Internet bidez) betetzeko edo prezio publikoa ordaintzeko gorabeherarik edo zailtasunik dutenek Hizkuntza Eskola Ofizialera jo beharko dute, lagundu diezaieten edo izapide horiek modu telematikoan egiteko baliabide materialak utz diezazkieten. Zein Eskolatan matrikulatu nahi duten, Eskola horrexetara joan beharko dute, jendearentzako arreta-ordutegian eta eskabideak aurkezteko edo prezio publikoa ordaintzeko epean.

2.- Modu telematikoan arazorik edo zailtasunik izatearren kanpoan geratutako lagunek zerrenden kontrako erreklamaziorik egin behar izanez gero, Eskolako ziurtagiria aurkeztu beharko dute, adierazteko pertsona horrek epe barruan jo zuela dagokion Eskolara, zailtasun horiek gainditzeko.

3.- Horrelako gorabeherarik izan ez dadin, beti gomendatzen dugu ez atzeratzea epe-amaierara arte izapide telematiko horiek egiteko lanak.



Bigarren xedapen gehigarria.- Dokumentuak eta idazkiak paperean aurkeztea.

1.- Zein Hizkuntza Eskolatan matrikulatu nahi den, Eskola horretako zuzendariari zuzendu beharko zaizkio paperean aurkeztu beharreko agiriak (Ebazpen honetako 3. artikuluko 7. atalean zehazten direnak) eta matrikula bereziko eskabideak -6. artikuluko 2. ataleko b) idatz-zatia eta lehenengo xedapen gehigarriko 2. atala-. Agiri horiek Hizkuntza Eskolatako bulegoetan aurkeztuko dira, hain zuzen ere helbide hauetan:

- Vitoria-Gasteizko Hizkuntza Eskola Ofiziala: Lasarte errepidea, 21A, Vitoria-Gasteiz.
- Donostiako Hizkuntza Eskola Ofiziala: Bizkaia ibilbidea, 22; Donostia.
- Eibarko Hizkuntza Eskola Ofiziala: Jardañeta, 3; Eibar.
- Irungo Hizkuntza Eskola Ofiziala: Alcaldía de Sacas, 13; Irun.
- Tolosako Hizkuntza Eskola Ofiziala: Paper kalea, 1-3; Tolosa
- Ordiziako Hizkuntza Eskola Ofiziala: Barrena parkea, z/g; Ordizia.
- Bilboko Hizkuntza Eskola Ofiziala: San Pedro plaza, 5; Bilbo.
- Getxoko Hizkuntza Eskola Ofiziala: Eskoletako enparantza, z/g; Getxo.
- Durangoko Hizkuntza Eskola Ofiziala: Zubiarrea, 1; Durango.
- Barakaldoko Hizkuntza Eskola Ofiziala: Juan de Garay kalea, z/g; Barakaldo.
- Bermeoko Hizkuntza Eskola Ofiziala: Zubiaur tar Kepa, 72; Bermeo.
- Basauriko Hizkuntza Eskola Ofiziala: Bentako plaza, 1; Basauri.
- Zallako Hizkuntza Eskola Ofiziala: La Inmaculada, 15 bis; Zalla.
- Santurtziko Hizkuntza Eskola Ofiziala: José Miguel de Barandiarán, 12; Santurtzi.



Zuzenean Zerbitzuko bulegoetan ere aurkeztu ahal izango dira, helbide hauetan:

- Araba: Ramiro de Maeztu kalea, 10 behea, Vitoria-Gasteiz.
- Bizkaia: Kale Nagusia, 85; Bilbo.
- Gipuzkoa: Andia 13; Donostia.

Era berean, urriaren leko 39/2015 Legeak, Herri Administrazioen Araubide Juridikoaren eta Administrazio Prozedura Erkidearenak, 16.4 artikuluan zehaztutako edozein lekutan ere aurkez daitezke eskabideak, lege horretan ezarritako baldintzatan. Posta-zerbitzuko bulegoren batean aurkeztu nahi bada eskabidea, kartazal irekian aurkeztu beharko da, eta zerbitzu horretako funtzionarioak eguna eta zigilua jarri beharko dizkio, kartazala egiaztatu aurretik. Horrela egin ezean, helburuko bulego publikoan duen sarrera-eguna joko da sarrera-eguntzat.

2.- Ebazpen honetako 3. artikuluko 7. atalean adierazten den dokumentazioa aurkezteko, jatorrizko dokumentuaren fotokopia aurkeztu beharko da. Fotokopia eta jatorrizko dokumentua bat datozela egiaztatu beharko du baimendutako notario batek; bestela, fotokopia konpultsatu beharko du Hizkuntza Eskola Ofizialeko bulegoak edo erregistro nagusiak edo laguntzaileak, beti ere apirilaren 29ko 72/2008 Dekretuko 17. artikulua araberaren (72/2008 Dekretua, Euskal Autonomia Erkidegoko Administrazio Orokorraren eta bere erakunde autonomiadunen erregistroen sorrera, antolaketa eta funtzionamenduari buruzkoa; 2008-05-30eko EHAA).

Azken xedapenetan lehenengoa. Ondorioak.

Ebazpen honek ondorioak izango ditu Hezkuntza Saileko web orrian argitaratzen denean. Bertan mantenduko da, eranskinekin batera, deitutako prozedura amaitu arte eta hura betetzeko errekurtsio-epaiek igaro arte.

Azken xedapenetako bigarrena. Errekurtsioak.

Ebazpen honen aurka, gorako errekurtsioa jarri ahal izango zaio Hezkuntzako sailburuordeari hilabeteko epean, Hezkuntza Saileko web orrian argitaratu eta hurrengo egunetik aurrera.

Vitoria-Gasteiz, 2018ko ekainaren 15a

Eugenio Jiménez Ibáñez
IKASTETXE ETA PLANGINTZA ZUZENDARIA



I. ERANSKINA

EUSKAL AUTONOMIA ERKIDEGOKO HIZKUNTZA ESKOLA OFIZIALETAN IKASLEAK ARAUBIDE OFIZIALEAN ONARTU ETA MATRIKULATZEKO PROZESUAREN EGUTEGIA, 2018/2019 IKASTURTEA.

1.- Plazak esleitzeko lehen fasea:

Eskaerak betetzea	Irailaren 1etik 19ra, biak barne, 13:00ak arte
Eskaerak betetzea, aurreko ikasturtean ikasleak izan direnak eta ekainean gainditu ez dutenak edota ekainean aurkeztu ez direnak	Irailaren 15etik 19ra, biak barne, 13:00ak arte
Dokumentazioa aurkeztea	Irailaren 19ra arte, 14:00ak arte
Onartutako eta baztertutakoen behin-behineko zerrendak	Irailaren 21ean, 10:00etatik aurrera
Erreklamazioak aurkeztea	Irailaren 21etik 25era, 14:00ak arte
Onartutako eta baztertutakoen behin betiko zerrendak	Irailaren 27an, 10:00etatik aurrera
Ordaintzeko epea	Irailaren 27tik urriaren 1era, 24:00ak arte.
Ordainketa ez egiteagatik baztertutakoen behin-behineko zerrendak	Urriaren 3an, 10:00etatik aurrera
Erreklamazioak aurkeztea	Urriaren 3tik 4a arte
Ordainketa ez egiteagatik baztertutakoen behin betiko zerrendak	Urriaren 5ean, 10:00etatik aurrera

2.- Plazak esleitzeko bigarren fasea: Fase honetan lehenengoan hutsik geratuko diren plazak beteko dira, hurrenkera honetan:

- 1.- Lehenengo esleipenean plazarik gabe geratu direnen artean. Zuzenean sartzen dira bigarren fasean.
- 2.- Salbuespeneko matrikula eskatzen dutenen artean.
- 3.- Lehen faseko matrikula epea bukatu ondoren (irailaren 19tik aurrera) eskabidea aurkeztu dutenen artean.

Salbuespeneko matrikula eskabideak (1)	Irailaren 19tik, 13:00etatik, urriaren 4a arte, 13:00ak arte
Bigarren fase honetan libre geratu diren plazak betetzeko eskabideak(2)	Irailaren 19ko 13:00etatik urriaren 4ra, biak barne, 13:00ak arte
Dokumentazioa aurkeztea (1 eta 2)	Urriaren 4ko 14:00ak arte
Plaza hutsak esleitzea	Urriaren 8an
Ordaintzeko epea	Urriaren 8tik urriaren 11ko 24:00ak arte.
Ordainketa ez egiteagatik baztertutako pertsonen behin-behineko zerrendak	Urriaren 15ean, 10:00etatik aurrera



Erreklamazioak aurkeztea	Urriaren 15etik 17ra
Ordainketa ez egiteagatik baztertutako pertsonen behin betiko zerrendak	Urriaren 18an, 10:00etatik aurrera
Plaza hutsak argitaratzea. Aurrez aurrekoa	Urriaren 22an

3.- Aurrez aurreko esleipena: Eskolan bertan egingo da. Libre geratu diren plazen esleipenaren ordua eskola bakoitzak bere web gunean zintzilikatuko du.

Aurrez aurreko esleitzea	Urriaren 23tik 26ra
Ordaintzeko epea	Urriaren 23tik 29ko 15:00ak arte
Libre geratutako plazak edota libre geratuko direnak	Urriaren 30etik 2019ko urtarrilaren 31 arte



II. ERANSKINA

EUSKAL AUTONOMIA ERKIDEGOKO HIZKUNTZA ESKOLA OFIZIALETAN IKASLEEK ARAUBIDE OFIZIALEAN DAUZKATEN OHIKO ETA EZOHIKO DEIALDIEN AZTERKETEN EGUTEGIA. 2018-2019 DEIALDIA

HIZKUNTZA	MAILA	OHIKO DEIALDIA	EZ OHIKO DEIALDIA
ALEMANA	OINARRIZKO M. (A2)	2019/06/10	2019/09/06
	TARTEKO M. (B1)	2019/06/10	2019/09/06
	TARTEKO M. (B2)	2019/06/10	2019/09/06
	M. AURRERATUA (C1)	2019/06/10	2019/09/06

ATZERRITARREN- TZAKO ESPAINIERA	OINARRIZKO M. (A2)	2019/06/06	2019/09/09
	TARTEKO M. (B1)	2019/06/06	2019/09/09
	TARTEKO M. (B2)	2019/06/05	2019/09/09
	M. AURRERATUA (C1)	2019/06/05	2019/09/09

EUSKARA	OINARRIZKO M. (A2)	2019/06/03	2019/09/04
	TARTEKO M. (B1)	2019/06/03	2019/09/04
	TARTEKO M. (B2)	2019/05/29	2019/09/04
	M. AURRERATUA (C1)	2019/06/03	2019/09/04

FRANTSESA	OINARRIZKO M. (A2)	2019/06/04	2019/09/05
	TARTEKO M. (B1)	2019/06/04	2019/09/05
	TARTEKO M. (B2)	2019/06/04	2019/09/05
	M. AURRERATUA (C1)	2019/06/04	2019/09/05



HIZKUNTZA	MAILA	OHIKO DEIALDIA	EZ OHIKO DEIALDIA
INGELESA	OINARRIZKO M. (A2)	2019/05/30	2019/09/03
	TARTEKO M. (B1)	2019/05/31	2019/09/03
	TARTEKO M. (B2)	2019/05/24	2019/09/03
	M. AURRERATUA (C1)	2019/05/30	2019/09/03

ITALIERA	OINARRIZKO M. (A2)	2019/05/29	2019/09/02
	TARTEKO M. (B1)	2019/05/29	2019/09/02
	TARTEKO M. (B2)	2019/06/11	2019/09/02
	M. AURRERATUA (C1)	2019/06/11	2019/09/02

PORTUGESA	OINARRIZKO M. (A2)	2019/05/30	2019/09/10
	TARTEKO M. (B1)	2019/06/13	2019/09/10
	TARTEKO M. (B2)	2019/06/12	2019/09/10
	M. AURRERATUA (C1)	2019/06/12	2019/09/10

ERRUSIERA	OINARRIZKO M. (A2)	2019/06/11	2019/09/10
	TARTEKO M. (B1)	2019/06/12	2019/09/10
	TARTEKO M. (B2)	2019/05/24	
	M. AURRERATUA (C1)	2019/05/31	

Dagokion Hizkuntza Eskola Ofizialean kontsultatu ordutegiak eta ahozko azterketen datak.